

# جریدہ علمیہ

مشیت جلیلہ اسلامیہ مکہ جریدہ رسمیه سیدر

غرة ذی الحجہ ۱۳۳۲

عدد: ۶

آیہ بر نشر اول نور

برنجی سنہ

اولدینی اوزره ایتم اداره لری معاملاتنک ادامه انتظامی و محافظه حقو قلری ایله مکلف اولدق لری ایتم وقاصرینک تأمین معیشتلری آنجق مبالغ مستقرضه یی و نملرینی وقت وزمانیله استحصال واستیفایده بیلملریله قابل اولدیغنه و تأجیل دیون قانوننک دائرة شمولنده قالملری بر چوق ایتم وقاصرینک دوچار سفالت اولملرینی انتاج ایلیه جکنه بناءً مطلوبات امیریله مثللو اموال ایتم و اوقاف اداره لری مطلوباتنک دخی دائرة شمولی خارجنده بر اقلمیسی اسبابنک استکمالنه همم علیه نظارتیناهی لری مصروف بیورلمسی متمنادر اقدم [\*] ٨ ذی القعدة ١٣٣٢ و ١٦ ایلول ١٣٣٠

\*  
\* \*

«مدارس علمیه ومکاتب وقفیه نك احوال صحیه سی - حقنده متخذ تدابیره دائر اوقاف نظارتنه»

بنه تعالی اصلاح وتنظیمنه صرف مساعی اولنان مدارس علمیه ومکاتب وقفیه نك احوال صحیه سی ده نظر اعتنادن دور طوتلامق واجبه دن اولسنه وسالف الذکر مدارس ومکاتب طلبه سنک تأمین صحتلری ایچون اتخاذ اولنه جق تدابیرک وتدایر مذکوره صور اجرائیه سنک قدرت کافیّه فیه یی حائر بر طیبیک محصول مطالعه سی بولمنسی و آنک تحت نظارت وتفتیشنده تطبیق ایدلمسی لزومی بدیدار اولوب حذاق اطباء عثمانیه دن عدنان بکک وظیفه مذکور می فخری اوله رق درعه ده ایلیه جکی اکلاشلمسنه بناءً مدارس علمیه ومکاتب وقفیه فخری صحیه مفتش عمومیلکنک مومی الیه عهده سنه توجیه یی خصوصنه بالاستیدان صورتی ملفوف اراده سیه حضرت خلافتیناهی (\*\*)[\*] شرفصدور بیوریه رق مومی الیه تبلیغ ایدلمش اولمغله اولبابده ٢٤ ذی القعدة ١٣٣٢ و ٢ تفرین اول ١٣٣٠



## اوقاف نظارت جلیله سنک تبلیغات عمومیه سی

«منسوبین و خدمه اوقاف حقنده واقع اولاجق شکایت اوزرینه تحقیقاتک مأمورین وقفیه جه صورت ایفا سنه دائره»

برات عالی ویا وثیقه رسمیه ایله تصرفی واقع ومتعامل اولان جهات علمیه وبدنیه توجیهاتنده شروط شرعیه ونظامیه یه توفیق معامله مجبوری درکار اولدینی کبی رفع وعزل مثللو تصرفی اسقاط وخدمتدن اخراجی ایجاب ایتدیرن احوال واسبابک وقوعنده ده

[\*] اخیراً نشر اولنان قانون اموال ایتم و اوقاف اداره لری مطلوباتی تأجیلدن استثنای ایلمشدر.

[\*\*] اراده سیه صورتی جریده علمیه نك نسخه فوق العاده سنه مندرجدر.

اصول موضوعه سنه استناد ایدلسی طبیعت مصلحت اقتضاسندن بولندی حاله عزل ویا رفعه متدائر اوله رق شورای اوقافه ورود ایتکده بولنان اورا قک اکثریسنده اشبو مقتضیاتک الک مهمی اولوب قرار اتخاذه اساس تشکیل ایده جک اولان تحقیقاته اهمیت ویرلیدیکی وعلی الا کثر اوراق تحقیقیه دخی کوندرلیوب یالکز تحقیقاتک نتیجه سندن بحث اولنقله اکتفا ایدلیدیکی کورلمکده وبو مثللو خصوصات حقلرنده مابه التطبیق اوله جق احکام نظامیه یی الیوم مرعی الاجرا بولنان توجیه جهات نظامنامه سنک الی والی ایکی والی اوچنجی ماده لرینک مضامین صریحه سی آمر وبوبابده اجراسی اقتضا ایدن تحقیقاتک جهت اصولیه سنیه سالف الذکر الی اوچنجی ماده نک مؤداسی ناطق بولنقلده اولدیغندن وحابوکه تحقیقات مقتضیه نک شو مواد نظامیه یه توفیق ایدلمه مش اواسی یعنی تقصاتی قابل احتجاج ومدار استناد اولسنه مانع نظامی تشکیل ایدم جکی کبی بالفرض نواقص میحوئه نک نظر اعتباره النهمسی اکا استناد ایتدیریله جک شورای اوقاف قرارینه وبرطرفندنده اصحاب جهاتک حقوقه اجرای تأثیر ایده جکندن بحثله عهدلرنده کی جهاتک رفعی ویاخود خدمتلرندن عزلی تحت قراره الیه جق لک وقتاً من الاوقات اعاده جهت ویا حق مکتسب طلب وادعایینه محل قالماق وبو یوزدن لدی الاقتضا تعدیل ویا تصحیح قرار مجبوری قارشوسنده قالماق ایچون احوال مسنده ومشتکابها هر نه ایسه اول امرده ماهیتی حقلده وقوف تام حاصل ایتدکن صکره مخبر ویا مشتکی ایله مشتکاعنک آری آری جلب واستجواب وتحقیقاتک روشنه کوره اسئله ترتیب وایراد وکذلک باعث شکایت اولان مسئله حقلده معلوماتی اولانلرک افاداته مراجعت اولنسی و هر افاده جوابیه زیرینک صاحبیه امضا وتخیم ایتدیلمسی وبو صورتله اجرا و اتمام ایدیله جک تحقیقاتک درجه سی کافی کورندیکی وموجب تعمیق بر جهت قالمدیغه قناعت کلیدی تقدیرده فذلک سنک تنظیمی واشبو فذلکده ایسه افادات مضبوطه و وثائق ثبوتیه مضامینی تلخیص ایدلکدن صکره فعل مشتکابک وقوع وعدم وقوعندن هانکیسنک اکلاشلیغی وفعلک وقوعی تظاهر ایتکده بولنه یورایسه جهات نظامنامه سنک الی والی ایکی والی اوچنجی ماده لرنده محرر بولنان مواددن هانکیسنه تماس وتوفیق معاملیه یی ایجاب ایتکده اولدیغنی تضمن ایده جک مطالعات صریحه وقطیه ایله فذلکده ختام ویرلسی وبونکله برابر فذلک لک بهمه حال اوراق تحقیقیه زیرینه یازلسی وجریان تحقیقاته نظراً باعث شکایت اولان مسئله محاکمه حل وفصل اوله جق مواددن بولنسه ومحاکمه محکومتک غیری بر صورتله

نتیجه نمش اولسه بيله افعال مسنده نك ماهيته و تحقیقاتك ایجاباته كوره نظارت حق تدقیق و تقدیری استعمال ایده جکی جهته بورالری نظر دقت و اهمیت الهرق اساسلی و بیطرفانه تحقیقات اجرایی خصوصه اعتنا اولنسی لزومك تعمیماً تبلیغی شورای اوقاف و اوامر قلماری مدیریتدن بامذکره بیان قلمش و واقعا رفع و عزله متدائر مقررات و معاملاتك مبنی علیهی و مستندی اوله حق اولان تحقیقات ابتدائیه نك قواعد مضبوطه و تعریفات نظامیه دائره سنده جریان ایتسنده کی وجوب قطعی مستغنی تذکار و نظارت بجهده امر تحقیقاتك بوجه و صورته جریانی بغایت مطلوب و ملتزم بولنش اولدیغندن بعدازین صور مشروحه وجه ایله ایفای معامله و خلاقه حرکتدن توقی اولنسی کمال اهمیتله تبلیغ و توصیه اولنور . ۳ ذی القعدة سنه ۱۳۳۲ و ۲۰ ایلول سنه ۱۳۳۰

\*  
\* \*

« توجیه جهاته متعلق اوراق و اشعارك بالعموم اوقاف مدیر ویا مأمورلقلری طرفندن صورت اشعارنه دائر »

ولایات والویه مستقله مراکزنده بولنان اوقاف مدیر و مأمورلرینك ملحقات اوقاف معاملاتنه نظارته و آنی مراقبه و وظیفه بورجلی اولملری جهته منحصرأ کندی مسئولیتلری تحته جریان ایتکده بولنان معاملات مذکوردهن طولای اشبو مدیر و مأمورلرک ملحقات اوقاف اداره لری ایله خزینه اوقاف هایون اراسنده متوسط وضعیتده و ملحقات مأمورلرینه نسبتلهده مرجع موقعنده بولندقلری حالده بعض الویه غیر مستقله و قضا اوقاف مأمورلری طرفندن توجیه جهاته متعلق اوراقك طوغریدن طوغری به خزینه به ارسالی صورتیه مرجعیت اساسنك اخلاص ایدلمکده و اوراق مبحوثه دن اکثر لیسنك مافوق مأمورلقلرک تدقیقندن کچیرله مش و بو صورتله نواقصی اکال ایدلمه مش اولسندن طولای برچوق نواقص شرعیه و نظامیه و خطیئات اصولیه ایله مالی اولدینی کورلمکده و بو یوزدن مصالحك سرعت انتاجی ممکن اوله میه رق تصحیح ویا اکال معامله ضمیمه و اوراق موروده نك اعاده سنه و بو خصوصه ده برخیلی اشعار و استشعاره مجبوری حاصل اولمقده بولندیغندن بحثله بعدما بومثللو اوراقك مافوق مأمورلقلری و ساططیه منسوب اولدقلری ولایت ویا مستقل لوا مرکزنده کی اک بیوک اوقاف مأمورینه ایصالی و مأمورین عمومی الهم طرفلرندن دخی شو اوراقك احکام شرعیه و نظامیه به درجه موافقتی و بوابده شرعی و نظامی و اصوله عائد نواقصی و خطیئاتی حقنده کی مطالعاتك علاوه سیله برابر

اوراق مذکوره نك خزينه يه ارسالی خصوصنك اصول اتخاذاي ايله تعميماً تبليغی اوامر و شورای اوقاف قلملری مدیریتدن با مذکره بیان قلمش وفي الواقع توجهه متعلق اوراقك ارسالده ترتیب مذکوره رعایتله مافوق مأمورلقلرجه علی الدرجات بالتدقیق نواقص اصولیه دن عاری اولدیغی اكلاشلیدیغی صورتده دوغریدن دوغریه نظارته سوق واسرا و آنفاً بیان ایدلیدیکی وجهله مطالعات ایجابیه نك ده علاوهً انبای و اکمال و اصلاح ایدلمی و ایتدیلمی و حسب الصلاحيه مقتضی و ممکن اولان نواقص اصولیه مشهود اولدیغی تقدیرده اوراق مذکوره نك بو مثللو نواقص و خطیئات اصولیه نك اکمال و اصلاحدن صوکره کوندرلمی مضبوطیت و سرعت معامله یی کافل کورلمش اولدیغندن بعدما بووجه ايله اجرای معامله ايله برابر الویه غیر مستقله و قضا اوقاف مأمورلقلرنجه محتاج تردد و استیذان کوریلان مصالح اوقاف حقتده دوغریدن دوغریه خزینه یه اشعارانده بولنلمیوب علی الدرجات مافوقلرینه مراجعت اولنمی و اوراجه ده مصالح مذکوره دن ایجابی تعیین ممکن و وظیفهً و صلاحیهً جائز و مقتضی اولنلرینك تعیین و تبليغ، مقتضاسیله یالکزر حل و انتاجه مقتدر و یاخود صلاحیتدار اولدقلری خصوصاً نك خزینه یه اشعاری لزومی تعمیماً تبليغ و عکس معامله دن توقی ایدلمی توصیه اولنور .

۲۲ ذی القعدة ۱۳۳۲ و ۳۰ ايلول ۱۳۳۰

\*  
\* \*


« جهات علمیه و بدنیّه علولانك معاملات توجیه لرنده جهت عسکریه دن مضبطه طلبیه محل اولیوب مکلفیت عسکریه قانونی و جدید توجیه جهات نظامنامه سی موجبجه معامله اجراسته دائر »

پدرلریله دده لری محمولندن جهت تفوض ایده جك اسنان سته اصحابی ايله خارجدن جهات علمیه یه طالب اولانلر دن قرق بش یاشنی تجاوز ایتیمانلر حققرانده مضبطه و یرلیه جکی جهت عسکریه جه افاده قلمش اولدیغندن بحث ايله معاملات توجیهیه نك صورت ایفاسی، استعلام اولمقده در .

اخیراً موقع اجرایه وضع اولنان مکلفیت عسکریه قانون موقتك یرنجی ماده سی موجبجه عثمانی تابعیتی حائر هر فرد ذکورك عسکرلکله مکلفیتی مطلق و قانون مذکورك طقسان ایکنجی ماده سنك صوك فقره سنده ایسه جهات علمیه و بدنیّه اصحابندن هانکیلرینك خدمت عسکریه دن استثنا ایدیله جکی معین و مصرح اولدیغنه کوره بالعموم جهات علمیه و بدنیّه نك توجیهنده جهت عسکریه مضبطه سنك وجودینه حتی یوایدیه استفسار کیفیتله

مضبوطه طلبنه محل اولیوب توجیه جهات نظامنامه سی احکامی دائره سنده معامله توجیه نهک ایفا و علی الاصول انهای و شوقدر که بر جهت متصرفی افراد عسکریه دن بر نفر اوغلی ترک ایده رک وفات ایلدیکی تقدیرده توجیه جهات نظامنامه سنک قرق سکنجی ماده سنده معین صراحت دائره سنده ایفای معامله یه اعتنا اولنسی لزومی اوامر مدیریتی افاده سیله تعمیم و تبلیغ اولور .

۲۲ ذی القعدة ۱۳۳۲ و ۳۰ ایلول ۱۳۳۰



تعليماً تمامه

« خدمه خیراتک صورت دوام و حرکتلرینه دائر »

ماده : ۱ در سعادته مبانی خیریه مدیریتی ایله اوقاف اداره لری و طشره لرده اوقاف مدیر ویا مأمورلری خدمه خیراتک صورت دوام و حرکتلرینی بالذات ویا بالواسطه تفتیش ایده جک و در سعادت اوقاف اداره لری نتایج تفتیشیه لرینی - عندالایجاب - مبانی خیریه مدیریته بیلدیره جکلر در .

ماده : ۲ خدمه سی متعدد اولان جوامع شریفه و مربوطاتنده سر قیملر جهات بدنییه اصحابنک و سر تر به دارلرده دیگر تر به دارلرک رئیسی اولوب امام اوللر جهات علمیه اربابنه ریاست و عمومیه نظارت ایدر . جوامع سائرده اماملر دیگر خدمه نک رئیسی عد اولورلر .

ماده : ۳ متعدد خدمه سی اولان جوامع شریفه و مربوطاتنده کی سر قیم و سر تر به دارلر رئیسی بولندقلری ارباب جهاتدن مواد آتیه احکامنه و صفت و وظیفه لرینه منافی حرکت ایدنلری امام اوله و امام اولده کرک بونی و کرک عموم خدمه دن هر هانکی برینک دوغرودن طوغرویه مطلع اولدینی اوقیل حرکتی مأمورین عانده سنه همان خبر ویره جکلر در . ائمه سائر دخی عین وظیفه ایله مکلفدر . شو وظیفه اخباری بلا معذره ایفا ایتمیلرک مناشلرینک نصفه قدر قطع و توقیف اولنور .

ماده : ۴ بالعموم ارباب جهات خدمتلرینی بالذات و منتظماً ایفایه مجبور اولوب بر سبب و عذر شرعی اولمقسزین وظیفه سی منتظماً ایفا ایتمه کی و خلاف اصول وکیل